



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dissertatio Theologica De Formulari Ab Illustrissimis
Episcopis Belgii Proposito In Causa Jansenii**

Claremontius, Johannes

Coloniæ, 1693

§. XIII. Suspectum hæreseos se reddit qui sensum Jansenii excusare
intendit.

urn:nbn:de:hbz:466:1-40333

paroisse que la Constitution du Pape tombe sur l'une & sur l'autre. D'on peut dire neanmoins que cette question de fait est tellement jointe a celle du droit, qu'il semble dangereux dans ce recentre d'en faire la separation.

Hic textus fautoribus Jansenii aliis fuerat obiectus, cui mox in libello sub titulo, *Les Illusions des Iesuites*, responderunt in hæc verba. *L'Evêque d'Alet dit qu'il peut y avoir quelque temerité ignorance & presomption en niant quelque fait, sc̄avoir de Iansenius : mais les Iesuites croient hæretiques ceux qui n'osent dire qu'elles sont dans Iansenius.* Agnoscunt igitur ex mente istius Episcopi temeritatem, ignorantiam & præsumptionem in negando sensum Jansenii esse hæreticum. An vero tam leves ipsis videntur istæ notæ, ut sine peccato elui possint ? *Vir quidam sanctus quidpiam dixit, inquit S. Chrysostomus, Hom. 11. in epist. ad Ephes., quid audaciam sapere videtur. Attamen dixit. Quid autem est istud ? Peccatum videlicet, quod ne Martyrū quidem sanguine deletur.* Verum cum idem Episcopus non ex nudâ negatione facti, quæ sola hasce notas meretur : sed ex ipsâ eonnectione illius cum eo quod est juris definiti arguat, graviorem procul dubium inesse censuram in eâ negatione intellexit scilicet hæreseos. Atq; ita vetus Ecclesia ex remotiori connexione crimen hæreseos censebat inesse, dum aliqui attentabant sensus hæreticorum excusare.

§. XIII.

Suspectum hæreseos se reddit qui sensum Jansenii excusare intendit.

S. Augustinus libro de civit. Dei 18. dicit : *Qui in Ecclesia Christi morbidum aliquid, pravumque sapiunt ac sentiunt, si correcti, ut rem sanumque sapient, resistunt, contumaciter, hæretici sunt.* Atqui pravum morbidumque in Ecclesia sapit excusatio sensus Jansenii: hoc enim præbet occasionem renovandæ ex integro post damnationem Jansenii doctrinæ, prout facultas Sorbonica declaravit. Ergo qui post tot Ecclesiæ decreta communi fidelium consensu firmatæ excusatum habet sensum Jansenii, hæreticus est. *Quasi enim peccatum hæriandi est repugnare, & quasi scelus idolatriæ nolle acquiescere,* inquit Scriptura 1. Reg. 15.

Idem S. Augustinus lib. de hæresibus ait : *Audent etiam Donatistæ rebaptizare Catholicos, ubi se amplius hæreticos esse firmarunt, cum Ecclesia*

clesia universæ Catholica placuerit, nec in ipsis hæreticis baptisma commune rescindere. Et lib. 2. cont. Cresconium: in eo, inquit, vos hæretici estis, quod eos qui nobiscum habent unum baptismum, tamen rebaptizatis. Ita S. Doctor hæreticos pronuntiat ex facto, ex quo argubatur animus hæreticus. Quidni eadem prorsus ratione quis redarguat eos qui sensum Jansenii excusat? Ex hoc enim ipso illum excusatum volunt quod eundem teneant, aut non potest id hæreticum esse quod ab Ecclesia damnatur ut hæreticum: prout plures Episcopi & Doctores censuerunt an. 1660. 7. Septemb. damnando Epistolas Montaltii quæ postea à S. Sede pariter damnatae fuerunt.

Donec igitur hunc sensum Jansenii ejuraverint, animus eorum ab hæresi immunis credi non potest. Atque ita hanc in rem Honorius Imperator scribit ad Aurelium Carthaginem: ut quicumque damnationi supra memoratorum, quo pateat mens pura, subscribere impiam obstinatione neglexerint, Episcopatus amissione multati, interdicta in perpetuum expulsi Civitatibus communione priventur. Hæc Imperator statuit in Pelagianos qui autorum suorum sensus excusare volebant: ex hoc enim suspectos de hæresi tractibat ut hæreticos, quamvis mentem alienam ab hæresi profiterentur se habere.

§. XIV.

Quibus modis peccat in moribus qui sensum Jansenii excusat.

Præter errores qui fidem respiciunt, alii quoque sunt qui adversus regulas morum militant, & gravi peccato implicant eos qui consumaciter illis adhærent. Unus error vocatur falsitas qui contra apertam seu declaratam & definitam veritatem pugnat. Ita Lanfrancus l. de Sacram. dicit, *veritas pro manifestatione in sacris sœpe litteris repetitur*. Et Plutarchus libro ultra animantium plus rationis habeant, de impugnatore manifestæ veritatis ait, *suscepisse cum ipsa veritate contentionem*.

Talis error est excusatio sensus Jansenii: nam Pontifex declarat & definit, quinque Propositiones in sensu à Jansenio intento esse damnatas, illudque tanquam verum toti Ecclesiæ proponit: ex quo contradictionum manifestæ seu declaratæ & definitæ falsitatis redarguitur. Proinde sicut prior pars propositionum quartæ & quintæ inter Janse- nianas